

Nachtplausch vom 30. Oktober 2010

Am Endi vomene herrliche Herbsttag hend mier mit üsne 4- Beiner wieder dörfe es

„Military“ bestritte.

E grossi Meuti vo 20 Hünd und ca. 37 Persone (au Chind sind dä Mal debig gsi) hend sich am 17.45 uf em Hundepplatz in Oberhasli troffe.

Natürlich sind mier zerscht uf de obligatorischi Waldspatziertgang gange zum ufwärme und hend eus Gedanke gmacht, was für Ufgabe d Charlotte und ihri



„Crew“ dämäl für eus usdenkt het?????

Eusi Hünd hend scho lang gmerkt, dass es gli los gaht!

Zerscht emal hemmer müesse als „Chlauchhäx“ verkleidet, mit Hund und Bäse en Slalom rite dürr Petfläsche, natürlich isch da s Ziel gsi, dass die Fläsche stah blibet und ned wäg gfäget werdet.

Für d Kondition vom Meister isch au gsorget gsi...hemmer doch dörfe 30 Sekunde Seili gumpe und eusi Hünd hend müesse vor eme, mit Guddis gefüllte Topf (soo fein!)

„im Platz „zueluege und warte....det hätti ja au welle chönne Gedanke läse...

Die mit ere ganz guete Nase hend im Stroh es paar Dösli, mit Speck drinne gfunde...zum Teil hend gscharret wie verrückt

Dür en Plastickvorhang laufe und Bäll apportiere, das isch ned für alli ganz eifach gsi, aber es het für alli Teams diversi Pöschte gha, wo jede sini Stärki het chönne bewiese.....

Am Schluss sind alli 4- und 2 Beiner hungrig gsi und hend sich uf es feins Raclette

„nach Einsiedler Art“ gfreut.

De René und ich hend zerscht gmeint, mier heiget zviel Chäs ikauft....sicher ned!!!

Es isch soooooo fein gsi, dass d' Lüüt mehrmals sind cho „fasse“

Mmmmmhhh....!!!

So sölls doch si!

Mier hend en wunderbare Abig gnosse und sind alli glücklich und zfriede wieder hei.

Danke vielmal für die tolli Organisation und mier freued eus ufs nächsti Mal...



Gabi und Amira